

ادبيات عمریه مجله علمی

هفته‌ای سیاسی، علمی و ادبی غزته‌در

جلد : ۲

سنه : ۱ ۲۵ ذی الحجه ۱۳۳۵ جمعه ایرتسی ۱۳ تشرین اول ۱۹۱۷ نوامبر ۶ — ۳۷

ألك عزيز أرقا داشم سامی یه

— بویوک اضطرابلرم ایچین

کوچوک نشیده لریازدم —

هانریخ هاینه

بوگون ده سن ، آراضدن سن اوجدك ای شاعر ..

سموم قهرینی روحله ایچدیكم ماتم

بو قلب شفقته مخصوص ومنحصر بر ألم ،

بو بر تأثر شخصی دكل ، عمومیدر .

بوگون ده ذات نجیبكده غائب ایتدی وطن

بو لك عزیز آنا بر زاده فضیلتی ..

گیدنلك بری هپ بوش .. بو ، ایشته خاصه

بو آرتروب دوریور ماتمك فجاعتی

وجودك اولدی قرین فنا فقط سامی

او روح صاف ونزیه اوچدی ؛ سرمدی اسمی

بوگون فضیلت اولان بر سماده بر برجه

بر احترام صمیمیه ، عمرم اولدجه ،

بوماتم ایكله یه جکدر کوکلده ای دادر ..

قبول تسلیت ایتز بو تورلو ماتملر .

شیعی ۲۹ ایلول ۱۳۳۳

فائزه عالی

سیاسی قونداچیلر

انسال آتیه شو جهان حربك صفحات مختلفه سنی تدقیق و تتبع ایدرکن، شئون و حادثاتدن روحیات دستورلرینه و عمل الخصوص منطقی قواعدینه موافق نتیجه لر چیقارمق خصوصنده خردفرسا مشکلات ایچنده قالدیقدر .

امین اولهلم که بو بادره ، تاریخ شناسان ایچون پک مهم اولدینی قدر انقلابات فکریه یی موجب یکی یکی ساحه لر ، عجیب و ماهیتلری انجق عمیق تفحصات ایله قابل نیجه منابع تتبع احضار ایتکده در . بشریت ، سیاسی ، اجتماعی ، اخلاقی اساسلری زیر و زیر ایدن عناصر مختلفه نك اختلاطیله بسبتون بشقه بر کسویه بورومش اولدینی حالدده استقبالی استقبالی ایده جك ، و ، - اونومیلم - حق کبی ، قوت و نفوذ کبی عوامل و مؤثراتك معنای حقیقیسی شمدیکی تلفیمزدن پک فرقلی بر صورتده دکیته جکدر .

حرب عمومینك حسابی کورورکن مسبلرینك ارواحنی شاد ایده جك بر لسان استعمال ایتلری عدم الامکان اولان احفادضره وصیتمز شودر :

حقایق تاریخیه یی آراشدیریرکن ، محیط ، زمان ، ایجابات سیاسی ، عهد ، افکار عامه ، جریان اقتصادی ، عضویت دول ، قوت ، اناجیل اخلاق ، قواعد روحیات و اجتماعی معادلات ایله اضاعه وقت ایتسونلر ، چونکه حادثات حربیه و حرکات سیاسی مفهوم مخالفیه برر اعجوبه کبی قارشولرینه چیقه رق مستهزی بر لسان ایله آلدانمش اولدقلرینی یوزلرینه چارپه جقدر . اضدادك جمع و تألیفنده ده بر جوق قواعد و دساتیر جای تطبیق بولور . انجق اختلالات و انقلاباتك حادثه تکلونلرینی منطق عقلی Logique rationnelle یه استناداً تتبع ایتك نصل بر خطای علمی ایسه بوجهان یانغینه سبیت ویرن قونداچیلری محاکمه ایده جك اولان وجدان بشر دیوانك انجق منطق صرضی Logique affective اصولاتنه کوره تصنیف دلائل ایتسی ، حقیقته وصول ایچون اودرجه لابد بر وظیفه در . بناء علیه دنیانك قاننه کیره ن بو جانیلرده ذات جرم اوله رق تدقیق ایدیه جك عناصر ، [شووینیزم] ، [ایره دانتیزم] ، [جهانگیرك] ، [صراف سیاست] ، [اقبال پرستی] کبی ذمائمذن عبارتدر . کیاست ، دوربینك ، اندیهه استقبال ، منفعت دولت و سیاست ؛ لورد [بیقونسفیلد] ك ، قونت [قاوور] لك ، پرنس [غورجاقوف] لك و باخصوص [غامبه تا] لك شمدیکی شرالحقفلرینی هیچده مشغول ایده جك ماهیتی حائز اولیان معناسز شیلردر . بو هائله وغانك اسباب و لدنیاتی مختلف نقاط نظر دن ایلروده تدقیق ایده جك اولان ارباب علم و عرفان شمیدین بیلیملدرلرکه بشریت ، باشده رئیس جمهور موسیو [پوانقاره] اولدینی حالدده ، ائتلاف زمره سنك بر آووج محترص سیاسیونه قربان اولوب کیدیور ! اراده جزیه نك محدودیتنه قائل اولوب علی العموم جانیلری ارثی بر جوق امراض خیشه ایله معلول عد ایدن [لومبروزو] وسائره کبی حکمانك نظریاتنه کوره عجباً شو حرب هولنا که سبیت ویرنلرک - تاریخ و حادثات سالفه تعمیق ایدلک شرطیله - « جدانیت atavisme » [*] مقتضیاتنه تبعاً حرکت ایتش اولدقلری ادعای ایلرویه سوروله صرضی ؟

[*] عرفان ملیمز بوشمولای اصطلاحی حکیم محترم رضا توفیق پک افندی یه مدیوندر .

حسن و قبحه ، فضل و رذائتده ، اصطفا و تردی ساحه سنده تصالبك مستقر بعض قواعدینه کوره ، تکامل و تکمل ، بورزمکاه قناده اصلدر . خیر و شرده ، ترقی ، تدنی و تردی ده اخلافك اسلافه نسبتله ایلرو کیتیمی قانون طبیعت ایجاباتندن اولونجه ، صحنه سیاستده اک مدھش و منفور رولی ۱۹۱۴ سنه سندن اعتباراً اوینامغه باشلایان ائتلاف رجائی بالطبع بوقاعده به استئنا تشکیل ایده مژدی . بوسلسله مطالعات و ملاحظاته تبعاً تاریخ سیاسی صحیفه لرینی قاریشدیرنجه شو حقیقتلر قارشوسنده واله و حیران اولوزز :

پترو ورفیقه دسائینك تأثیراتیه بالطه جینك لندن قورتولدندن صوکره آسیاده کی واسع موفقیات استیلا کارانه سنه عدم قناعتله چار [نیقولا] وایکنجی [آلکساندر] دورلرنده جهانگیرك سیاستنه دها زیاده کرمی و یروب اسلاولق پروغرامنه توفیقاً اوروپایه قارشو و انظاراً احتراصنی درت آجان روسیه ، ۱۸۷۸ سنه سنده برلین معاهده سیله استینافاً رؤیت اولنان [شرق مسئله سی] دعواسنك صورت خلندن هیچ ممنون قالماش ، مدافعه و کالتی درعهده ایتمه مش اولان [بیسمارک] ه پك زیاده کوجنمش ایدی . ایشته روسیه نك سمای سیاستده برقره بلوط کی یاییلمسنه میدان ویرمه مک لزوم قطعسنه مبنی ایدی که آوستریا ایله آلمانیا آره سنده بر مقارنت حاصل اولمش و ایرتنی سنه (۱۸۷۹) « صلح و مسالمت و مدافعه متقابله اتفاقی » ایله ایکی دولت یکدیگرینه باغلامشدی . بواتفاق ، (۱۸۵۳) تاریخندن برو مقاصد استیلاجویانه سنی پك ده کتم ایتکه لزوم کورمیوب سینوبده عثمانلی دوغماسنی یا قفله اوروپا صلح و مسالمتنه آچتی بر صورتده قونداق صوقان روسیه یه قارشو رضابطه مانعه وظیفه سنی کورمک ، ایکی دولت حسابنه متقابل بر حیات سیغوریطه سی اولق اوزره عقد ایدلمش ، اوزمانلرده نهال احتراصاتنك نشو و نما بولسی ایچون بر متکای قوی تحریرسنه قویولمش اولان مکار ایتالیانك طلب ورجاسی اوزرینه بالآخره (۱۸۸۳) (مثک) شکلی آلمش ایدی . بوعقد ، طرابلس غرب غاصبنك بر (دولت معظمه) صره سنه کچمنه ، سیاسی ، اقتصادی لایعد حقوق و منافع تأمین ایتسنه وسیله اولدی .

انکلتربه کلنجه : بوجهان حربنده پك ده صاغلام برواسطه تفرد اولمدینی ثابت اولان حاکیت بحریه داعیه سنی دائماً نجه آمال ایدنمش ، تأمین مقصد ، و ، مطلبه وصول ایچون او زمانلرده قوای بحریه سی اهمیتسز بولنان اتفاق مثله هان تمایل وحتی [محاصره بریه] زمانندن بری تحت اشغالنده بولنان [هلیفولاند] آطه سنی آلمانیا یه اهاده ایده رک ، شرقی آفریقاده و دها بر جوق برلرده استحصال منفعت و غایه تفوقنی ساحل امکانه ایصاله بذل مقدرت ایدیوردی . آرتیق [سولسبورگ] دریاست ایتدیکی محافظه کاران فرقه سی ایچون ، (۱۸۵۷) سنه سندن بری قوتی ضایع ایدن و احتراص نتیجه سی اولدینی حادثات اخیره (انکلتربه نك ائتلاف مثله کیرمسی) ایله میدان جیقان [روس عداوتی] اویوننه ایکنجی دکل بلکه سیکرنجی دفعه کیریشمک و جوب حاله کیرمشدی . چونکه روسیه ایله شرقی قریب و بیدده ، قره و دکزده دها کوریله جک حسابلر ، دول سائره یه حتی میل کوستردیکی اتفاق مثله « خیرخواه » صفتیه قبول ایتدیرلسی الزم بر جوق مطلبلر واردی .

روسیه ، ترکیایه آجدینی صوکره ایکی سفرده (۱۸۵۳ - ۱۸۷۷) پك آچتی اوینامق ایستدیکی اویونله اوروپایی ایقاظ ایتدیکنی آکلامش ، ظواهری قورتارمق ایچون ، اسکی عداوتلری اونوتق ، فرانسه یه تقرب ایچون یالتاقلامق لازم کلدیکنه قناعت کتیرمش ایدی . بونا پارطک مغلوبی ، فرانسه نك

(۱۸۵۳) سیاستك پاك زیاده مجروح القوادی اولان چار، فرانسر دونماسنی [قرونشاد] ده مطنطن بر صورتده استقبال ایدیور، روسیه نك اداره مسقده سنه قارشو بر مؤثر هجویه ماهیتنی حائر فرانسر ملی مارشنی «قائماً» دیکله یور، و، رئیس جمهوره کوندردیکی تلغراف ایله ده «فرانسه و روسیه بی بربرینه ربط ایدن درین محبتی (!؟)» آ کلامق ایستوردی (۱۸۹۱).

روس فیلوسی قوماندانی ایکی سنه صوکره [طولون] لماننده فرانسر لسانندن عینی نقراتی ایشندی. آرتق حریتپور فرانسه، ظلمکار چارلغه قارشو بسله دیکی عداوتی اونوتیور، اوچنجی [ناپولئون] ك کبر وعظمتی، نخوت ذاتیه وفقدان کیاستی اثری اوله رق باشنه کلن مصیبت مغلوبیتتی تلافی مقصدیله (۱۸۷۳) سنه سندن بری قولاً وفعلاً حاضرلامغه باشلادینی «مقدس انتقام» غایه سنی ساحه امکانه ایصال ائچون، روسیه نك سیل استیلاجویانه سنه بر سد حائل مقامنده احداث ایدیلن «اتفاق مثلث» قارشو چار حکومتدن ائتلاف دیلنمك ذلتی قبول ایدیور، پترسبورغك پاك زوگورت خزینه سنی فرانسر پاره سیله طولدوریوردی. سابق چار [ایکنجی نیقولا] نك پارسی زیارتی (تشرین اول ۱۸۹۶) فرانسه - روسیه ائتلافی بر «اتفاق مثنی» حالنه قویدی. بواتفاق، فرانسه یه دکل، روسیه یه جوق یارادی. چار، مادی و معنوی معاونتدن هیچ کبرو طور میان خیال پرست فرانسه نك اوموزلری اوستنده، شرق واقصای شرق امورنده - بلکه ده اونك منافی خلافه اوله رق - بیوک برتفوق سیاسی به نائل اولمش، حتی «اتفاق مثلث» ك بو ایشلرده عدم مداخله سنی بیاه تأمین ایدهرک، انکلتزه نك انتریکه لی پلانلرینی عقیم برافش ایدی. هرایکی منظومه دولیه بی اداره ایتکدن احتراصات معهوده سنه مثبت بر سرستی جریان ویره جکنده متردد قالان انکلتزه دخی، [چارلس داروین] ك [ائتلاف] نظریه علمییه سنه تبعاً ایکی یوزلی [ائتلاف] ه کندی سیاست ماکرده سنی علاوه ایدنجه فرانسه، غایه خیالنه آن وصولك یاقلاشدیغنه ذاهب اوله رق وسوینجندن قابنه صیغه میهرق هرایکی «دوست» ه کولر یوز کوسترمك صورتیله عصر دیده غیظنی صاقلامغه باشلادی. انکلتزه بو کارلی ایشه روسیه ایله تشریک مساعی ایدهرک ایرانی پایلاشمغه باشلایجه، آسیا سیاستنده وقتیه ضایع ایتمش اولدینی نفوذینك عودتندن حصوله کله جك نتایج، روسیه هیچ اهمیت ویرمبور، اسلاولق پروغرامنه وسعت ویرمك، اوروپاده بیوک روللر اوینایه رق المانیا ایله اوستریایی بالظه لامق، صربستانی بیوتك ایستوردی.

منظومه ائتلافه منسوب دولتلرک سبب اولدقلری شو حرب خانمانسوزه، برده بونجه انعام والطافه مظهر اولدینی حالده پاك شنیع صورتده نقض عهد ایدهرک صرف [ایره دانتیزمه] نقراتیله او ائتلافی [مربع] حالنه کترین بر دردنجی قونداجی بی یعنی - ایتالیایی، و انجق احتراص شخصیه سنه تبعاً مملکتی زورله حرب سوروکلین [وه نیرهلوس] حکومت عجیبه سنی علاوه ایتك لازمدرک بو باده بشقه بر مقاله ایله تفصیلات ویره جکمزى وعد ایدرز.

دعوی وکیلی معلم کریدی

اهم مانی